



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt VIII. Quorundam articulorum prorogatio ad Protestantes audiendos.
Securitas fide publicá illis concessa: & quæ de vtraque re Suavis
considerat, expensa.

urn:nbn:de:hbz:466:1-11665

fātā. Etenim ex eo videtur necessariō deducendum, non esse totum insin-
gulis partibus, etiam ante diuisiōnem. Enim uero praeclarā argumentationē! Quidam Episcopus, cuius mentionē fecimus, dubitationē aliquam p̄r se tulit, ne quis hoc pacto dictū illud inter-
pretaretur; & tamen reliqui omnes tantam ē contraria claritatē
animaduerterunt, ut existimarint maiori lumine opus non esse. At
quod affirmet, id videri necessariō deducendum, inaudita cuius-
dam analyticā argumentatio est. An quoniam tamquam hæreticus
damnatur, qui rem quamdam affirmat in certis quibusdam condi-
tionibus, ex eo necessariō colligetur, rem illam extra tales condi-
tiones falso affirmari? Exemplo sit: Si dicamus hæreticum esse,
qui neget Baptismi characterem manente vitā permanere; an hinc
per necessariam consecutionē concludemus, falsam esse maximē
communem Theologorum sententiam, characterem illum post
mortem pariter permanere? Posset ut summum argui: Ergo non erit
hæresis manifesta, si negetur, Christum esse totum sub singulis partibus ante
diuisiōnem: de quo suprà disserui. Sed quid stultius, quād arguere,
tamquam verum definiri, quidquid tamquam hæresis non dam-
natur? Præterea quād crastinæ inscitiae soboles est hæc admiratio
super huiusmodi ratione definiendi, quā vtitur Synodus Tridentina,
quando ea legitur cum iisdem planè verbis apud Florentinam
in celeberrima Catechesi Armeniis tradita? Sicuti aquæ omnes
per se dulces pontua ingressæ displicant gustui; ita cunctæ doctri-
nae, tametsi per se optimæ, ab hac Synodo exceptæ, displicant Suauit.

C A P V T VIII.

*Quorundam articulorum prorogatio ad Protestantes audiendos.
Securitas fide publicā illis concessa: & quæ de vtraque
re Suavis considerat, expensa.*

PAr esse videbatur ad perficiendum opus, explendumque ar-
gumentum doctrinæ, statuere, quid esset credendum de ne-
cessitate Eucharistia sub vtraque specie sumenda. Sed cū
Protestantes nondum accessissent, Monfortius, Orator Cæsar, pe-
tit, ut hac saltem decisione Patres supersederent. Fuerat semper
plurium Catholicorum persuasio, desiderio spem alentium, posse
ad veterem Fidem qui aberrauerant reuocari, vbi aliqua, quæ p̄r-
stari possent, indulgerentur; & potissimum duo, laicis usus Calicis,
& Sacerdotibus matrimonium. Propositum id fuerat ab eo vsque
tempore, quo Campeggius & Aleander Clementis ac Pauli nomine
hæc

1551.

hæc Religionis negotia in Germania agitarant, pro eo quod suo loco à nobis enarratum est. Postremum verò Cæsar in libello, *Interim vocitato*, utrumque Protestantibus ad futurum usque Concilium permiserat: quippe leges, quarum obseruantiam diffiderat per auctoritatem suam obtenturum, & quarum relaxationem confederat à Concilio se postmodum obtenturum. Tribus verò Nuntiis subinde in Germaniam petente Cæsare missis à Paulo cum ampli facultate, inter ceteras hæc etiam potestas cum opportunis refractionibus conditionibusque tradita est, sicuti suprā memorauimus. Quapropter consideratà Caroli viatrice potentia, oblataque bis ad integrum Ordinum conuentu subiectione Concilio, fore sperabatur, ut si Protestantibus in duobus hisce capitibus satisficeret, Germaniam in Religionis concordiam restitui posse. Et quamquam aliud esset, præcise negare, usum Calicis non celebrantibus Diuinâ lege interdici; aliud verò, ipsum iisdem prohiberi Ecclesiastica sanctio: dubitabatur tamen, ne, quidquid super ea re definiretur, vmbbris agitaret eos populos, ingenio suspiciosos, remoueretque audentia adeundi Concilij. Idcirco Patres, tametsi cum aliqua sententiarum discrepantia, censuerunt hac vtendum indulgentia, suspensis pariter quibusdam aliis articulis, qui huic videbantur affides. Quare recentis Decretis huiusmodi declarationem adiecerunt.

Eadem sancta Synodus errores omnes, qui super hoc sanctissimo Sacramento repulularunt, tamquam vepres ex agro Dominico euellere, ac omnium fidelium saluti propicere cupiens, quotidianis precibus Deo omnipotenti per oblatis, inter altos, ad hoc Sacramentum pertinentes articulos, diligenter sima veritatis Catholicæ inquisitione tractatos, plurimis accuratisimis pro rerum gravitate disputationibus habitis, cognitis quoque prestantissimum Theologorum sententiis, hos etiam tractabant: An necessarium sit ad salutem, & Diuino iure praeceptum, ut singuli Christi fideles sub utraque specie ipsum venerabile Sacramentum accipient. Et: Num minus sumat, qui sub altera quam qui sub utraque communicat. Et: An errauerit sancta mater Ecclesia, laicos, & non celebrantes Sacerdotes, sub panis specie damnataxat communicando. Et: An parvuli etiam communicandi sint. Sed quoniam ex nobilissima Germania prouincia y qui se Protestantes nominant, super his ipsis articulis, antequam definitur, audiri à sancta Synodo cupiant, & eam ob causam fidem publicam ab illa postularunt, ut ipsis tuò hoc venire, & in hac urbe commorari, ac liberè coram Synodo dicere, atque propnere quæ senserint, & postea, cum libuerit, recedere liceat: sancta ipsa Synodus, licet magno desiderio eorum aduentum multos antea menses expectavit; tamen, ut pia mater, quæ ingemiscit, & parturit, summoperè id deferrat;

derans, ac laborans, ut in iis, qui Christiano nomine censemur, nulla sint
schismata; sed, quemadmodum cumdem omnes Deum & Redemptorem agno-
scunt, ita idem dicant, idem credant, idem sapiant, confidens Dei miseri-
cordia, & sperans fore, ut illi in sanctissimam & salutarem omnium Fidei,
Spei Charitatisq; concordiam redigantur, libenter eis in hac re morem ge-
rens, securitatem & fidem, ut petierunt, publicam, quam saluum condu-
ctum vocant, quoad se pertinet, eius, qui infra scriptus erit, tenoris dedit
atque concessit: & eorum causâ definitionem illorum articulorum ad se-
cundam Sessionem distulit; quam, ut illi commode interesse possint, in diem
festum Conuerstionis Dini Pauli, qui erit vigesima quintâ die mensis Ianua-
ry anni sequentis, indixit. Illudq; pretereat statuit, ut in eadem Sessione de
sacrificio Missæ agatur, propter magnam viriusque rei connexionem: interea
Sessione proxima de Pœnitentia & extreme Vnctionis Sacramentis tractan-
dum. Illam autem die festo Diuine Catharine virginis & martyris, qui erit
vigesima quintâ Nouembris, habendam esse decreuit, simulq; ut in utra-
que materiam reformationis prosequatur.

3 Per libellum vero securitatis concedebatur omnibus, quantum ad
ipsam Synodum spectabat, Ut de iis rebus, quæ in ipsa Synodo tractari de-
berent, omni libertate conferre, proponere & tractare, ac ad ipsum Oecumeni-
cum Concilium liberè & tuo venire, & in eo manere, & commorari, ac
articulos, quot illis wideretur, tam scripto quam verbo offerre, propone-
re, ac cum Patribus, sive iis qui ab ipsa S. Synodo delecti fuerint, conferre, &
absque ullis coniunctis & contumeliis disputare, nec non, quando illis placue-
rit, recedere possint & valeant. Præterea, Ut si pro maiori libertate ac se-
curitate eorum, certos tam pro commissis, quam pro committendis per eos
delictis, indices deputari cuperent, illos sibi benevolos nominarent, et
iam si delicta ipsa quantumcumque enormia & heresim sapientia fuissent.

4 Narrat Suavis, obstupuisse Protestantes, ubi senserunt affirmari
à Concilio, ipso optare, ut de quatuor tantummodo memoratis at-
ticularis audirentur, cum saepius declarassent in Comitiis, nolle se yle
lam ex anteactis definitionibus accipere, sed velle ut de integro su-
per omnibus audirentur. Disputare mihi non liber, an huiusmodi
stupor fuerit verus in animis, an simulatus in linguis, quamvis il-
lum Suavis deprompsit ex sibi consueto, & à se commendato ar-
chivio, nempe à Ioanne Sleidano⁴. Certum est, immerito obstu-
pisse. Toties Romani Pontifices & vox & scripto Cæsari pro-
nuntiauerant, nolle se in dubitationem reuocare decisiones iam ha-
bitas; id enim idem fuisse, atque concedere, Ecclesiam falli pos-
se, adeoque ante disceptationem hæreticis palmam tradere. Cæ-
sar vero, Ecclesiastici, & plena Comitia, post eam declarationem

Lib. 13.
initio.

Pars II.

Qq

Ponti-

1551. Pontificum, vehementer ab iis Pontificibus Concilium efflagitabant, eiisque vniuersitate Germaniae obsequiam obtulerant. Non poterant igitur obstupescere Protestantes, quod ipsi crederentur animum paratum gerere ad consentiendum articulis iam sanctis; nisi obstupescerent, quod ipsorum consensus, duobus in conuentibus praestitus, vanus quidam & abs re prolatus sermo non crederetur. Quam autem ob causam Orator Cæsar tam ardenter cupisset sanctionis moram, si post confessas etiam absentibus Protestantibus decisiones, locus nouo examini Decretorumque retractationi patuisset? Num ignoramus, à Cæsare ima & summa commota, vi Concilium quasi quamdam Germaniæ malaciam impetraret; missisque postea tres suos, duosque fratris Oratores, præter Madruccium Cardinalem, totque Praefules sibi addictos? & inducemos in animum, hos omnes casu conuenisse in postulanda prolatione quatuor dumtaxat capitum quæ retulimus, si nouissent, futurum opus fuisse ad reconciliandam in Fide Germaniam, ut non hac locum quatuor agitarentur, sed reliqua omnia denuò pertraduerentur?

Addit, fidei publicæ formam visam fuisse admodum captiosam, cùm in ea diceret Synodus, id concedi, quantum ad se spectat. Siquidem nemo est, qui ab altero quidquam petat, nisi quantum ad se spectat concedere, & non amplius. Rabidam enim uero carpendi libidinem! Primum quidem oportebit, vt Iurisperiti hanc à Suaui regulam addiscant, captiosas admodum esse tabulas, vbi conditio in ius exprimitur, quæ iam tacite intelligebatur. Ipsi namque huc usque docuerunt, potius per huiusmodi conditionis disertam appositionem, actorum naturam non variari. Secundò, admodum captiosus habendus erit, qui cùm integrum alicuius rei dominium haud obneat, illud non absolute promittit, ne sibi arroget ius quo caret, nec id spondeat quo præstanto non est, sed adiicit: quantum ad se spectat: quin potius ea promissionis ratio apud homines sinceræ ac fidelis laudem obtinet. Fingamus, à Concilio fidem publicam absque ea limitatione datam: exclamasset profecto Suavis, arrogasse sibi Concilium hoc fucato colore absolutam in aliena ditione protestatem, cùm accidere posset, vt iij quibus ea securitas concedebatur, flagitium aliquod Tridenti patrarent, cuius puniendi facultas legitima pertineret vel ad Madruccium (qui ut eius Episcopus, ita beneficiarius Princeps erat) vel ad Ferdinandum, qui supremo iure Tridento dominabatur. At è conuerso, dum ea posuit restrictio, quantum ad Synodum spectat, cùm par esset, mode-

1551.

stiam ibi agnoscere, persuadere conatur, id actum esse, ut aditus pateret Romano Pontifici, quo posset incolumi suā Synodiique dignitate agere quidquid vtriusque commodo conduxisset. In egregiam vere dignitatem, & incomparabile commodum vtriusque celsissim huiusce fraudis patratio: præsertim cùm id temporis nullus extaret hæresiarcha, è cuius morte hæresis interitus sperari posset. sed ex eo summa totius Germaniae detestatio expectanda esset; quandoquidem in comperto erat, à Concilio Legatoque hac in re nihil agi, ignaro & inconsulto Pontifice: ac proinde fidei publicæ tabulæ ab illis datae perinde habebantur, ac si à Pontifice datae fuissent. Præterquam quòd vbi Protestantæ confirmationem Pontificiam desiderassent, tabellarius Romanus missus metum omnem abservisset.

⁶ Dissertationem suam locupletat, obseruans, id quod agitabatur de iudicium delectu ad cognoscenda delicta commissa seu committenda, quæ spectarent ad hæresim, visum fuisse quoddam rete ad quempiam incautum captandum. Hoc profectò rete aranei opus est, quod planè animal à quois flore venenum haurit, & ex suis visceribus retia extrahit: vir nemo cordatus periculi retia hīc apprehendet, sed securitatis laxitatem. Certum est, à Germanis neutriquam postulatum iri absolutam quamdam omnium hæreticorum facinorum impunitatem; cuiusmodi foret, in mysterium Diuinæ Triados concionandi, aut Hostiæ consecratæ in lutum publicè prouicienda: nec apud homines vniquam auditum est, idem esse fidei publicæ securitatem, quod effrænata licentia maximè enormium quorumecumque scelerum, omni supplicio immunis. Quæ cùm ita sint, quodnam maius per fidem publicam tutamen Protestantibus tradi poterat, quæm vt pro iis etiam criminibus, de quib[us] aliquis dubitare potuisset, verbisne generalibus comprehendenderentur, ipsi eos iudices suo arbitratu sibi feligerent?

⁷ Sed accusationi quæ sequitur, quid responsi suppetet? Vel ipsi, inquit, pedagogi deridebant, quod verbum principale plus quam centum quinquaginta vocibus distaret ab initio sententie. Itaque publicæ tabulæ, acta, iudicia, edicta, priuilegia, & quidquid ad forum pertinet, secundum pædagogorum regulas, & apud ipsorum tribunál diuidenda; & quod ab illis tamquam elegans belleque concinnata periodo claufum non censebitur, deridiculo habendum. Quænam arrogantia magis in comico planè pædagogo exhiberi posset? Licebat obseruare Suaui, an ipius patria, nobilitate iuxta ac sapientiâ insignis, in solemnibus Magistratuum iussionibus eam scribendi

1551. normam sequeretur: exceptiones longè maiores inuenient pædagi in eruditionibus Iurisperitorum, in subtilioribus Mathematicorum, in profundioribus Scholasticorum, quin etiam in Patribus, quos præcipue veneramur, atque adeò in ipsis adoratis sacram Litterarum paginis. Aliàs egimus de huiusmodi formulis confuetis, ac propriis euicunque præcessæ Curia in legitimis tabulis & quantitate prudentiae sit, elegantiæ solius gratiâ ea non mutare. Verum quo animo Suavis audebat pædagogorum iudicium appellare, homo in Latino & Italico sermone adeò ruditus? Et is, qui pueriliter peccat, dum Latina verba perperam interpretatur, quemadmodum in hisce libris sèpius ostendimus; Italice vero tam abiecit ac tam licenter scribit, quantum ex ipsis stylo in hoc ipso aperte deprehenditur? An non memoria infixum erat, cum ipse quasdam pro patria dissertationes esset euulgatus, vñque adeò rudem & incultum in usu sermonis fuisse visum, ut decretum fuerit alterum deligere, à quo illius sensa, detracto rusticis situ, quadamtenus expoterentur; pro eo ac refert non eadem maleuolus quispiam, sed ipsius encomiastes, qui eiusdem Vitam diuini veluti hominis conscripsit? Sed Historiam profquamur.

C. A. P. V. T. n. IX.

Sessio decimatercia. Septemviri Coloniensis, ac Oratorum Brandenburgensium in Concilium accessus. Responsio superioribus Regis Gallæ litteris redditâ.

De itaque undecimo Octobris, iam Sessioni prescripto, habita ea est, auctâ solemnitate tum ex accessu tertij Septemviri Ecclesiastici, nimirum Coloniensis, cui pridie aduentanti obuiâ extra urbem processerant omnes Concilij a Presulebus Diarium Cærimoniarum Magistrorum die 11. & 12. Octobris 1551.

Christophorus Strasius Iurisconsultus, primus Brandenburgensis Orator, Latinum sermonem habuit copiosum, in quo verbis admodum perspicuis, si cutiliquebit, sui Principis obedientiam subiecito.